



Arkivnr: 2015/2511-4
Saksbehandlar: Johan J Meyer

Delegert saksframlegg

Fylkesrådmannen etter fullmakt

Klageinstans for klage på skriftleg irettesetting mv

Irettesetting som ordensstraff har vore lite nytta i Hordaland fylkeskommune. Den mildare forma "tilrettevising" har i staden vore nytta der det har vore naudsynt for arbeidsgjevar å korrigere åtfærd. I dei få tilfella der irettesetting har vore nytta har handlinga vore eintydig i strid med regelverk og rutinar slik at klage på vedtaket ikkje har vore fremja.

Slike vedtak om ordensstraff er å sjå på som «enkeltvedtak» med rettar og pliktar som går fram av forvaltningslova. Retten til å klage på enkeltvedtak følgjer bestemte reglar og viser til at klageinstansen skal vere eit uavhengig organ som ikkje kan identifiserast i for nær kontakt med nivået som illegg ordensstraff. Ein har vurdert det slik at det vil vere feil at til dømes fylkesdirektør for opplæring er ankeinstans i ei sak som gjeld ordensstraff gjeve av ein rektor.

Den fylkeskommunale klagenemnda har i høve fylkestingets delegasjonsreglement formell kompetanse til å behandla og ta avgjerd i denne type saker. Det er ingen avgrensing knytt til virkeområdet som gjer at nemnda ikkje kan handtera klage på ilagt ordensstraff.

Hovudtyngda av saker som i dag vert behandla av klagenemnda er saker av sensitiv karakter som er unnateke offentleggjering etter offentleglova § 13 jf forvaltningslova § 13.

Eksempel på dette er saker som gjeld:

- Transportordninga for funksjonshemma ((legeerklæringar/ medisinske opplysningar om søkjar etc.)
- Elevsaker/skulesaker
- Saker knytt til lærlingar
- Tildeling løyve

Desse sakene vert handtert slik at dei ikkje ligg ute på nett. I sjølve innkallinga og i saklista vert sakstittelen utforma slik at omsynet til teieplikt er ivareteke.

Klage på ordensstraff vil såleis vere ein tilsvarande type sak av sensitiv karakter og må handsamast på same måte som dei andre sakene som er unnateke offentleggjering.

Klagenemnda sine medlemmer er godt kjend med at dei handamar saker som er underlagt teieplikt og at sakene vert behandla for lukka dører. Dette er dei kjent med sidan storparten av sakene er av slik karakter.

Ordninga i dag er at sakene til klagenemnda blir sendt ut på papir til medlemmene. Medlemmene leverer sakapapira som gjeld unntatt saker i retur til sekretæren ved møtet sin slutt, og dei vert deretter makulert.

Saksførebuing for denne type saker vert lagt til fylkeskommunen sin advokat. Dersom det faste advokatfirmaet har vore rådgivar i ei sak som er påklaga, skal oppdraget i slike tilfelle i staden gå til eit anna advokatfirma som etter kort anbudsrunde vert hyra for oppdraget.

Vedtak

1. Den fylkeskommunale klagenemnda vert klageinstans for klage ved ilagt ordensstraff (skriftleg irettesetting / skriftleg åtvaring) i Hordaland fylkeskommune.
2. Saksførebuing for slike saker vert lagt til det advokatfirma som fylkeskommunen har avtale med. Dersom det faste advokatfirmaet har vore rådgivar i ei sak som er påklaga, skal oppdraget som saksførebuar i staden gå til eit anna advokatfirma som etter kort anbudsrunde vert hyra for oppdraget.
3. Ordninga vert evaluert etter 12 månader frå iversettingsdato.

Rune Haugsdal
fylkesrådmann

Ingrid Kristine Holm Svendsen
fylkesdirektør økonomi og organisasjon

Saksfremlegget er godkjent elektronisk og har derfor inga underskrift.